

# Polasaí Úsáide Inghlactha don idirlíon 2016 – Gaelscoil Bhrian Bóroimhe

## Réamhrá

Is cuid lárnach é an t-idirlíon den oideachas, cúrsaí ghnó agus caidreamh sóisialta. Is cuid den churaclam é úsáid an idirlín agus is áis thábhachtach é san oideachas. An cuspóir a bhaineann le húsáid an idirlín i nGaelscoil Bhrian Bóroimhe ná chun cur le caighdeán oideachais, le gnóthachtáil na bpáistí, mar thácaíocht d'obair phroifisiúnta na foirne scoile agus mar thácaíocht do bhainistíocht na scoile ó thaobh eolas a bhailiú agus cursaí riaracháin de.

Déanfaidh an Polasaí Úsáide Inghlactha (PUI) tagairt do chearta, pribhléidí, dualgaisí agus smachtbhannaí a bhaineann le húsáid an idirlín i nGaelscoil Bhrian Bóroimhe. Déanfar athbhreithniú rialta ar an bpolasaí seo.

## Aidhmeanna

Príomhaidhm an polasaí seo ná cinntiú go bhfaigheann páistí, tuismitheoirí agus foireann na scoile deis leas a bhaint as áiseanna idirlín na scoile ar bhealach slán freagrach agus éifeachtach.

Is áis agus pribhléid é úsáid an idirlín sa scoil. Mar sin, sa chás nach gcloítear leis an bPUI bainfear an pribhléid sin agus gearrfar smachtbhannaí mar atá leagtha amach sa pholasaí.

Aon fhostaí de chuid an Bhoird Bhainistíochta/mic léinn ó na coláistí oiliúna/oibrí deonach srl a sháraíonn an PUI, déileáilfear leo le cur chuige smachtbhannaí an Bhoird Bhainistíochta agus/nó cur chuige chosaint leanaí.

## Stráitéisí

Cuirfidh an scoil stráitéisí i bhfeidhm chun deiseanna foghlama a uasmhéadú agus aon bhaol a bhaineann leis an idirlíon a íoslaghdú.

Seo a leanas na stráitéisí sin:

## Ginearálta

Déanfar maoirseacht ar pháistí agus iad ag úsáid an idirlín ar scoil.

Níl cead ag páistí fón póca a bheith ar siúl acu sa scoil. Má's gá do pháiste fón póca a bheith acu, caithfear é a choimead sa mhála scoile agus múchta le linn an lá scoile. Ní ceadáítear fón póca ar thurasanna scoile nó ag imeachtaí scoile eile, ar nós ceolchoirmeacha. Molltar go láidir nach mbeadh cead ag páistí fón póca a úsáid ar bhus scoile ach an oiread.

Bainfear úsáid as scagathóirí chun íoslaghdú a dhéanamh ar an mbaol go bhfeicfeadh páistí rudaí mí-oiriúnacha ar an idirlíon.

Déanfaidh an scoil monatóireacht ar úsáid an idirlín go rialta.

Tabharfar ainm úsáideora agus pasfhocal do gach pháiste ó Rang 3 suas ionas gur féidir leo obair a shábháil i bhfillteán príobháideach. Is féidir le múinteoirí na fillteáin seo a fheiceáil.

Ní bheidh cead ag páistí úsáid a bhaint as ríomhaire an mhúinteora toisc go bhfuil scagadh éagsúil ar na ríomhairí seo.

Cuirfear traenáil ar shábháilteacht idirlín ar fáil do mhúinteoirí agus do pháistí.

Níl cead bogábhar a uaslódáil nó íoslódáil gan cead a fháil ó mhúinteoir.

Úsáidfeadh bogearra frithvíreas (ESET) ar na ríomhairí.

Caithfeadh cead a fháil chun úsáid a bhaint as DDeanna, DVDeanna nó eochar USB. Caithfeadh aon cheann dóibh siúd a **scannáil le bogearra frithvíreas roimh iad a úsáid.**

Léireoidh páistí béasaíocht ar líne i gcónaí agus ní ghlacfaidh said páirt in aon ghníomhaíocht a tharraingíonn droch-cháil ar an scoil.

### **An t-Idirlíon**

Déanfaidh múinteoirí réimhleiriú ar aon suíomh idirlín roimh a úsáideann páistí é.

Úsáidfidh páistí an t-idirlíon do chúrsaí oideachais agus ar chúiseanna a bheartaíonn an mhúinteoir atá oiriúnach, mar shampla, i rith am órga.

Beidh múinteoirí agus páistí eolach ar chúrsaí chóipcheartúcháin.

Ní chuirfidh páistí aon eolas pearsanta ar an idirlíon **ríomh.**

Ba cheart go mbeadh úsáideoirí don idirlín i nGaelscoil Bhrian Bóroimhe ar an eolas gur féidir monatóireacht a dhéanamh ar aon úsáid idirlín sa scoil.

Ní úsáidfidh páistí nó daoine fásta (idir baill foirne agus aon duine eile a thagann isteach sa scoil) suíomhanna gréasáin atá graosta, neamhdhleathach, a spreagann fuath nó atá mí-oiriúnach ar aon chúis.

Sa chás go bhfeicfeadh páiste rud ar an idirlíon faoina mothaíonn sé/sí mí-chompórdach ba cheart don pháiste é a rá leis an mhúinteoir. Sa chás sin, déanfar gach iarracht an páiste a chuir ar a shuaimhneas agus cuirfeadh tuismitheoirí ar an eolas. Má's gá, cuirfeadh cosc ar an URL sin.

Molltar [imagebank.ie](http://imagebank.ie) [photosforclass.com](http://photosforclass.com) [kiddle](http://kiddle.com), [duckduckgo](http://duckduckgo.com) agus [instagrok](http://instagrok.com) mar shuíomhanna ar a féidir cuartú a dhéanamh go sabháilte in áit google.

### **Ríomhphost**

In roinnt ranganna sinsearacha úsáidfeadh ríomhphost chun obair bhaile a bhailiú nó ar mhaithe le comhoibriú ar obair thionscnaimh.

Ní sheolfaidh nó ní ghlacfaidh páistí le haon ábhar atá graosta, neamhdhleathach, clúmhillteach nó atá mar aidhm aige duine a ghortú.

Ní chuirfidh páistí eolas pearsanta ar nós seoladh nó uimhir fón ar an idirlíon, bíodh an t-eolas bainteach leo féin nó le duine eile.

Ní eagróidh páistí buaileadh le duine lena chas siad ar an idirlíon **riamh.**

Is le cead an mhúinteora amháin go seolfaidh agus go nglacfaidh páistí le ceangaltáin i ríomhphostanna

## **Comhrá ar líne**

Ní bheidh cead ag páistí úsáid a bhaint as seomra chomhrá seachas sa chás gur seomra dúnta é atá ceadaithe ag an múinteoir. Úsáidfeadh comhrá leictreonach do chúrsaí oideachais amháin agus déanfar maoirseacht air i gcónaí.

Ní bheidh fáil ag páistí ar phasfhocal do sheomraí chomhrá dúnta.

Úsáidfeadh ainm úsáideora le príobháideacht a chosaint.

Níl cead ag páistí úsáid a bhaint as fóraim idirlín nó as cluichí idirlín ina bhfuil fóram.

## **Bulaíocht ar-líne**

Samplaí de bhulaíocht ar líne is iad, ciapadh, bladhmadh, aithriú, imirt cleasanna, ag déanamh eisiama ar dhuine, cíbear-stalcaireacht nó eolas pearsanta faoi dhuine a scaipeadh. Ní ghlacfar lena leithéad d'iompar i nGaelscoil Bhrian Bóroimhe. Moltar an méid seo a leanas:

- Ní sheolfaidh daltaí teachtaireachtaí nó ní dhéanfaidh siad ráiteas ná pictiúr a phostáil ar-líne atá sé mar aidhm aige duine a scanrú, a ghortú nó a imeaglú. Sa chás go nglacfaidh dalta páirt in iompar ar-líne atá mar aidhm aige duine a dhíobháil, gearrfar pionós smachta trom air/uirthí agus bainfeadh pribhléidí idirlín.
- I gcásanna áirithe is coireacht í cíbear-bhulaíocht.
- Bí aireach go bhfuil monatóireacht a dhéanamh ar do ghníomhaíochtaí.
- Cé nach ionann eachtra amháin agus bulaíocht de ghnáth, aon eachtra aonair, mar shampla, téacs nimhneach do ghrúpa nó postáil ar-líne de ghrianghraf a d'fhéadfadh duine a ghortú, is ionann a leithéad agus bulaíocht. Is faoi gach dalta atá sé é seo a thuiscint.
- Tabharfaidh an scoil tacaíocht do dhaltaí, tuismitheoirí agus múinteoirí déileáil le heachtraí cíbear-bhulaíochta.
- Ba cheart go mltar do pháistí aon eachtra a d'fhéadfadh a bheith mar shampla de chíbear-bhulaíocht a phlé lena tuismitheoirí nó le múinteoir.

## **Úsáid an idirlín sa bhaile**

Iarrimid go spreagadh tuismitheoirí úsáid sábháilte den idirlíon lasmuigh den scoil agus monatóireacht a dhéanamh ar úsáid idirlín a bpáistí

Moltar dea-chleachtais ar nós úsáid scagathóirí agus am-chríoch d'úsáid an idirlín.

Molann an scoil nach mbeadh baint ag páistí bunscoile le grúpaí ar na meáin shóisialta agus meabhraítear go bhfuil teorann aoise lena bhfurmhór.

Ba chóir go n-úsáidfeadh páistí an t-idirlíon in áiteanna sa teach gur féidir maoirseacht a dhéanamh orthu go héasca. Ba chóir do thuisití cosc a chur ar a bpáistí uirlisí le féidireacht ceangailt leis an idirlíon a thabhairt isteach sa seomra codlata.

## **Suíomh na scoile**

Le cead an tuismitheora is féidir deis a thabhairt do pháistí samplaí d'obair a chur ar-líne.

Tabharfaidh an múinteoir ranga faoi aon sampla d'obair na bpáistí a chur ar-líne. Is i gomhthéacs oideachasúil a chuirfear aon obair a dhéanann páistí ar-líne agus ní bheidh cead an obair a chóipeáil.

Ní chuirfear pictiúir, fíis nó taifead ar bith **d'aon pháiste aonar** ar an suíomh scoile. Ní chuirfear ainm pháiste l'aon phictiúr, nó pictiúr ina bhfuil ainm an pháiste le feiceáil ar lipéad ar líne. Cuirfear béim ar ghníomhaíochtaí ghrúpa le cead an tuismitheora mar atá leagtha amach i bhfoirm cheada na scoile.

Is leis na daltaí an chóipcheart d'aon obair a fhoilsítear.

### **Reachtaíocht**

Ba cheart go mbeadh úsáideoraí idirlín ar an eolas faoi reachtaíocht atá bainteach leis an idirlíon. Tá seoltaí suíomhanna thíos.

- Data Protection (Amendment) Act 2003 <http://justice.ie/80256E010039E882/vWeb/pcJUSQ5YUHTP-en>
- Child Trafficking and Pornography Act 1998 - <http://www.irishstatutebook.ie/ZZA22Y1998.html>
- Interception Act 1993 - <http://www.acts.ie/zza10y1993.1.html>
- Video Recordings Act 1989 - <http://www.irishstatutebook.ie/ZZA22Y1989.html>
- The Data Protection Act 1988 - <http://www.irishstatutebook.ie/ZZA25Y1988.html>

### **Struchtúir tacaíochta**

Tá liosta suíomhanna a thugann comhairle maidir le sábháilteacht ar-líne thíos

- NCTE - <http://www.ncte.ie/InternetSafety/>
- Webwise - <http://www.webwise.ie/>
- Make IT Secure - <http://makeitsecure.ie>
- Safe Internet - <http://www.saferinternet.org/ww/en/pub/insafe/>

Mar aon le sin, tá na treoirleabhair seo a leanas sa scoil.

[Be Wise on the Net ...Information and Advice for Schools](#) NCTE

[Internet Safety Awareness Education Programme Teachers' Handbook](#) SAFT Project (NCTE)

### **Smachtbhannaí**

D'fhéadfadh mí-úsáid an idirlín smachtbhannaí a chúisiú faoi chód iompair na scoile agus/nó polasaí frith-bhulaíocht na scoile agus/nó polasaí chosaint leanaí na scoile. San áireamh sa chód iompar tá rabhadh scríofa, tuismitheoirí a chuir ar an eolas, pribhléidí a bhaint agus i gcásanna an-dáirire, fionraí nó díbirt.

\*Féach ar chód iompar/ polasaí frith-bhulaíochta/ treoirlínte náisiúnta do chosaint leanaí .

Tá sé de cheart ag an scoil aon ghníomh mí-dhleathúil a fhógairt do na gardaí.

Déanfar athbhreithniú ar an bpolasaí seo sa scoilbhliain 18/19.

Sínithe:

\_\_\_\_\_ Cathaoirleach

Dáta: \_\_\_\_\_